

清代宜臺文人文獻選編 第五種

斯未信齋全集

(七)

徐宗幹 撰

卷八

斯未信齋詩錄卷八

南通州 徐宗幹 伯貞

清源集 丁酉 戊戌

六月十三日自高唐之任臨清

出郊百里又提封祖餞村村酒意濃
結幄綠陰人似蟻推車渾水馬成龍
津梁依舊尋河道霖雨還如望岱宗
行路莫嗟泥淖苦甘膏先已慰三農

鼇頭磯

啟秀津前水半篙鳳凰嶺外聽秋濤
中洲矗立文峯好百尺竿頭釣六鼇

記得河濱謁子游風帆回首十三秋
莫云小試波瀾窄獨

占皆能奪狀頭

試童子以此命題自甲申去武城任十三年

飛挽芻禾達

帝畿年年停泊舊苔磯不愁海運風濤惡

也跨金鼇背上歸

雙檜有序

臨清景岱門外清涼寺遺址有古檜二相傳爲漢

時桓孟飛熊廣文請禁斧戕戒勿翦伐毋忘嘉樹

亦好古之意也志稱南林雙檜爰立石志之

柏老松凋後雙雙不改青未經秦代火宜入米家銘

米芾有古

銘檜金石前朝字風濤古樂聽從無樵采者長此葆餘齡

李海帆方伯淩雲載酒圖

高唱領羣賢珍珠落九天幾生修到佛同侶總成仙樓上

人千古江心酒一船壯游常在目滿紙尙雲烟

釣鼇圖

百尺珊瑚一釣鐵手挾虹霓天外掣釣竿直拂扶桑顛三
山欲動仙人蹶先生一笑收綸回袖攜東海下蓬萊相逢
誰有意氣者知音惟待成連來

峩眉望雪圖

關河險要策平蠻不爲參禪看雪山一自春風吹拂後盡
成霖雨到人間

峩邊擒蠻圖步原韻

伯上並方
命題

紅旂大將降天壇冷磧刀槍殺氣攢無計跳梁迎馬首能
教漏網上魚竿三峩雪後孤城警萬骨河邊一劍寒但使

書生時借箸朔風何事雁聲酸

中秋日侍經秋山中丞周敬修漕帥轉漕白夏津抵
故城撈剝兼施旬餘始出東境

畫鷁建高牙金波漾月華小舟吾作屋無浪眾淘沙號令
將軍下推移壯士譁水濱人似蟻兩岸是官衙

九月四日自德州柘園至高唐仍回臨清

白釋千鈞負方離一葦杭茲歌仍舊邑武道經城旅夢又高唐

策馬身如葉聞雞鬢有霜臨流猶惴惴回首禮慈航僻逕北

中流風急幾及於溺遇救得免

重陽日迎家慈自高唐進署

官階倖進領方州捧檄翻增兩地愁擊柝相聞途百里倚

同懸望月三秋與前導路宜鞍馬郊外登高不杖鳩一笑
江南風景似帆檣片片過城樓

仲弟自京歸省

中庭聞鵲噪誰自遠方來予季單身至家人笑口開加餐
娛老母攜手憶童孩依舊牀前月團圓照酒杯

長至日偕仲弟遊名靈閣登觀化亭遠眺

半生宦海共中流著脚相期最上頭有限光陰添一線無
邊雲水豁雙眸文昌光采尊前照亭奉奎星象太史波瀾筆底
收指點九河形曲曲片帆從此到瀛洲

臘月初七日抵燕園

久抱泉林癖寒梅況著花香風吹作雪昨夜落誰家

擬陶

形贈影

方園大覆載川岳長峙流藐然處其中歲月當優游草木
有華落本性自常留人去不復返纍纍遺荒邱安得羽化
術逍遙樂未休勸君一樽酒借消無限愁

影答形

長生雖無方相待毋自薄豈不欲駐顏誰見海上藥與爾
相周旋一生共憂樂偃息或偶離終日常依託身沒名自
留及時當力作有酒雖云美方茲殊甚惡

神釋

人立天地中兩大我爲侶委運自坦然縱逸無定所義皇

今何在光陰不少佇一醉可忘憂沈湎或害汝樹立各爭
競千載復誰許爾我共飭然無復更繁語

小齋靜坐積雨初晴戲擬香山體續之

心問身

籬邊竹影透吾廬心問身云樂有餘放爾安閑誰主者訟
庭無事一牀書

齋後編竹籬種蒲葦瓜壺之屬爲
楹帖云政者蒲廬也吾豈匏瓜哉

身報心

譬如藤蔓繫匏瓜懸爾中央是爾家我若動搖爾亦苦問
君何德向人誇

心重答身

我若憧憧百慮牽爾饑難食倦難眠與君一笑萬緣息雲

盡歸山月在天

除夕前二日自濟南回署季弟自南來時仲弟計將北上尙未行也

雲水迢迢路幾千雁行時斷復時連三人對影燈前笑僕指參商十四年

正月八日迎春

勾芒搏泥牛戴土出其東門祀從古報道春來已十分條風便覺氣溫煦侏儒角觝舉國狂金吾不禁月三五況行慶惠當新年氣象昭蘇萬物睹歸來介壽金萱堂春花春酒滿階廡昏定退食初放衙談笑燈前和氣吐伯也吹簫仲兮擊鼓季子播鼗蹲蹲舞老人扶杖大軒渠今夕不知

異鄉苦

試院偕兩弟作

春草夢中詩風簷似昔時蠶聲聽腕下魚貫笑肩隨大被
聯牀暫煎茶待漏遲初心無敢負惟有夜燈知

初十日仲弟北上

幾曾聯雁序又聽唱驪歌有骨金能買專心鐵易磨官卑
奔走慣宦久別離多笑比林邊鳥哥哥喚渡河

四月四日復至燕園吳遜甫觀察式敏方仲鴻太守

用儀馮子良明府詢諸同年許子壽明府桂身羅

庚溪縣尹才雯龍嘯林上舍思培諸年姪宴集觀

芍藥

座中少長盡嘉賓
相約萍蹤灤水濱
金帶他年調鼎手
霓裳舊日看花人
香風入室初消暑
紅影當階獨殿春
寄語後來須努力
根芽還是歲寒身

游周氏琅園

看到湖山吏亦仙
濟南名士近名泉
苔痕上石堆青嶂
樹影搖波皺綠天
曲徑雨餘黏屐齒
小窗風過動書籤
瑯嬛手澤須珍重
繼起文章望後賢

謂子完茂才

燕園漫題

屋小宜栽樹池偏爲引泉
山原隨我買月不放人眠

又

近水人家同小住
滿園春色亦常關
終須問主方看竹不

必開門便見山

回清源道中見張白也同年齊河題壁詩和韻附之
南北分馳未解鞍郵亭棖觸憶同官大都中熱人偏冷不
是春風吹面寒

長裾曳慣舞娑娑齊右何人又善歌但得知音常悅已琵琶
肯向別船過

附原作

十年重此息征鞍父老猶能識宰官惟有珍珠湖畔水
照人清影不勝寒

已看柳絮舞娑娑三月翻聽白雪歌早識東君太清冷
不應重向鵲華過

閏四月朔日自清源北上宿武城

輕車來熟路故轍走輪蹄野館烟籠樹荒城水繞隄青衿
今老宿白首舊黔黎依戀未能去村雞又曉啼

過雄縣

戴星遙矚

紫微垣七載奔馳未厭煩

庚辰出都庚寅入觀今年矣夙

夜不知行路苦慈禪雖遠近

君門

雄縣旅店題壁詩附

從來燕趙有佳人誰遣山魃亦效顰不恨東鄰效西子
可憐西子逐東鄰

檢點征鞍日易斜雲簾看到一枝花阿儂住處何須問

只隔青帘三兩家

無名氏

秋水對客悄無語秋花風度獨妖嬈一曲琵琶千里路
也關心底與眉梢

挑燈時候惹相思唱罷紅腔送客遲忽聽驪歌促人起
半床春夢不多時

池陽金蘭舟

已徧江湖逐斷雲牧之本是舊參軍通明殿上新除詔
管領人間月二分

採芝生

漫向人間唱惱公薊門回首惜匆匆車停半爲連朝雨
衣冷還驚昨夜風長路自憐青眼少舊詩何望碧紗籠
相看一笑緣何事潦倒生涯濁酒中

樽前無事且高歌舊館重來恨若何少壯風懷流水逝
陰晴天氣麥秋多驥雖伏櫪心猶健鶴待成巢鬢已皤

好趁雄風過雄縣金臺遺跡未蹉跎

青墩鶴三氏

白溝河題壁詩

雲氣覆深莽征人緩著鞭飛虹橋十二疲馬路三千舊
夢江南道新詩趙北天浮生徒鬱鬱何似酒如泉

杜慕

涿州道中

連日黃沙馬不前忽看一碧永如天夏無苦旱秋無澇深
處養魚高處田

蘆溝橋喜晤仲弟

轂擊肩摩處舉帷一笑逢立談忘晝短鄉思比雲濃津渡
來千里康莊近九重入門見兒女爭問客何從

一畝園遲錢姻丈鏡軒同年

相